

Broj: 02-02-1-1340-2/21
Sarajevo, 22.12.2021.

Predmet: Poziv bh kompanijama za učešće na Međunarodnom sajmu prehrambene industrije SIAL 2022, Pariz (Francuska); 15-19.10.2022. godine.

Poštovani,

Vanjskotrgovinska/ Spoljnotrgovinska komora BiH uz podršku Švicarskog programa za promociju izvoza (SIPPO) po prvi put organizuje izlaganje bh. kompanija na jednom od vodećih i najposjećenijih sajmova u oblasti prehrambene industrije - **SIAL 2022., koji se održava u Parizu (Francuska), u periodu od 15.-19.10.2022. godine.**

Prvo održavanje navedene manifestacije u Parizu (Francuska), danas poznato pod nazivom SIAL, organizirano je 1964.godine i okupilo je eksperte i entuzijaste iz više od 26 zemalja svijeta. Danas na ovoj manifestaciji, koja se organizuje i realizira svake dvije godine, učestvuje veliki broj posjetilaca i izlagača iz više od 200 zemalja, što je SIAL učinilo globalno prepoznatljivim.

Svake dvije godine, veliki broj proizvođača, izvoznika, uvoznika, kupaca, malotrgovaca, novinara i predstavnika medijske branše okuplja se u Parizu (Francuska) u svrhu učestvovanja na SIAL – u formi izlagača, posjetilaca, organizatora, partnera u realizaciji manifestacije i sl., a sve u cilju ostvarivanja moguće suradnje među učesnicima i iznalaska novih modaliteta poslovnih aranžmana među zainteresiranim stranama.

Manifestacija traje ukupno 5 dana tokom kojih se organizira i veliki broj foruma, konferencija, sastanaka, prezentacija proizvoda i usluga, kao i promocija najnovijih trendova i inovativnih rješenja u segmentu poljoprivredno – prehrambene industrije i komplementarnih grana privrede.

U svrhu nastupa na sajmu, Vanjskotrgovinska/ Spoljnotrgovinska komora namjerava zakupiti prostor od cca 60 m² za potrebe zajedničkog štanda.


Kompanije – suizlagači trebaju da zadovolje sljedeće kriterije:

- Proizvođači sljedećih kategorija proizvoda: konditorski proizvodi, začini, kafa, tjestenina, smrznuto i prerađeno voće i povrće, kao i drugi slični proizvodi prehrambene industrije.
- Kompanije koje imaju iskustvo u izvozu i zapošljavaju barem jednu osobu koja aktivno govori engleski jezik;
- Kompanije koje su orijentisane na izvoz na tržište EU i odgovaraju adekvatnom kvalitetom proizvodnje;
- Kompanije koje su izmirile svoje finansijske obaveze prema VTK/STK BiH.





VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
AGENCIJA ZA PROMOCIJU IZVOZA BOSNE I HERCEGOVINE



VTK/ STK BiH snosi kompletne troškove zakupa prostora, potrošnju električne energije, troškove sajamskog kataloga (Media package).

BH kompanije – suizlagači snose dio troškova uređenja štanda i troškove nabavke dodatnih ulaznica za svoje predstavnike ili posjetioce:

1. Kotizacija za uređenje štanda po kompaniji: 5.000 KM + PDV 17%;

Pored pobrojanog, kompanije- suizlagači su dužne snositi i ostale vlastite troškove, a to su:

1. Transport
2. Špedicija eksponata
3. Troškovi smještaja
4. Prijevoz predstavnika/ izlagača kompanije

Zbog završnih dogovora oko nastupa na sajmu, potrebe uređenja i rapremanja štanda, predviđen boravak za izlagače u Parizu je dan pred početak i dan nakon sajma (14.-20.10.2022.).

Pozivamo vas, da u skladu sa vašim interesom, uzmete učešće na sajmu SIAL 2022., te vas molimo da nam dostavite popunjen formular prijave, potpisan i ovjeren Sporazum o uvjetima izlaganja (4 primjerka) koje dostavljamo u prilogu.

Za organizaciju nastupa na sajmu SIAL, potrebno je imati najmanje prijavljenih 5 kompanija, u suprotnom VTK/STK BiH zadržava pravo otkazivanja organizacije.

Rok za dostavu prijave i Sporazuma je 20.01.2022. godine. Skeniranu prijavu i Sporazum možete dostaviti na sljedeću mail adresu: nejira.mocevic@komorabih.ba; dok 4 primjera potpisanog Sporazuma dostavite poštom na adresu Vanjskotrgovinske/Spoljnotrgovinske komore Bosne i Hercegovine, Branislava Đurđeva 11, 71 000 Sarajevo.

Za sva dodatna pitanja kontakt osoba je Nejira Močević, stručna saradnica: +387 33 566 185.

U očekivanju vašeg pozitivnog odgovora.

S poštovanjem,



Prilog:

- Obrazac za prijavu;
- Sporazum o uvjetima izlaganja na međunarodnom sajmu SIAL 2022.

